

ԼԵՉՎԱԲԱՆՈՒԹՅՈՒՆ

ԱՄՍԴՐԱՎՈՐ ԵՎ ԱՄՍԴՐՈՒԹՅԱՄԲ ԿԱՌՈՒՅՑՆԵՐՈՒ ԳՈՅԱԿԱՆԱԿԱՆ ԲԱՌԱԿԱՊԱԿՑՈՒԹՅՈՒՆՆԵՐԻ ԿԱՌՈՒՑՎԱԾՔԱՅԻՆ ՈՒ ԳՈՐԾԱՌԱԿԱՆ ԱՌԱՋԱՀԱՏԿՈՒԹՅՈՒՆՆԵՐԸ ԳՐԱԲԱՐՈՒՄ

ԱՆԱՀԻՏ ՍՈՒՐԱԴՅԱՆ

Գրաբարում զանազան խնդրային և պարագայական լրացումներ ձևավորելու համար հոլովական ձևերի բացի լայնորեն գործածում էին նախդրավոր և նախդրությամբ կառույցներ: Բայի և ածականի լրացում ձևավորելուց դուրս, այդ կառույցները գոյականի լրացման դերում հաճախադեպ են գործածվում՝ դրսևորելով կապակցման և իմաստային արտահայտության բազմազանությունը:

Հայ քերականագիտության մեջ տարբեր առիթներով չնայած շատ են անդրադարձել նախդրավոր և նախդրությամբ կառույցով լրացման և գոյական լրացյալի կապակցություններին, սակայն դրանց կառուցվածքային-իմաստային մի շարք իրողություններ կարոտ են համակողմանի հետազոտման: Դրանցում հետաքրքրություն են ներկայացնում ինչպես լրացյալ գոյականի, այնպես էլ լրացումը ձևավորող նախդրի նախդրության իմաստային, ծագումնաբանական և բառակազմական հատկանիշները:

Գրաբարում այս կառույցները հիմնականում դրվում են բայանուն գոյականների վրա՝ կապվելով դրա մեջ արտահայտվող բայանվան իմաստների հետ: Մյուս դեպքում այդ կառույցները գոյականի լրացում են դառնում նրա ածականական ծագման հիմքով, որքանով որականական ածականները ևս խնդրառու են, և նրանց հետևում է նաև նախդրով ու նախդրությամբ և սրանց խնդիրներով ձևավորված կառույցներով լրացում ստանալը: Սակավաթիվ կապակցություններում կառույցը գոյականի վրա դրվում է՝ նրանց միջև եղած դերբայի գոյակցությամբ, որին էլ լրացում է այն: Եվ, ի վերջո, խիստ հազվադեպ հանդիսանում են նախդրավոր նախդրությամբ կառույցով լրացման և բուն գոյական լրացյալի կապակցություններ:

Նկատված է, որ գոյականի լրացման դերում ավելի ակտիվ են նախդրավոր կառույցները: «Այս հանգամանքը թերևս բացատրվում է նրանով, որ նախդրություններն ավելի մոտ են մակբայներին»¹ և հետևաբար, դրանց հիմնականում ձևավորվում են բայի լրացումներ: Գրաբարում գոյական լրացյալին իրենց խնդիրներով լրացում են դառնում ավելի հաճախ առ, առ ի, ընդ, ի նախդիրները, նախդրություններից ակտիվ են առաջի, ընդհան, յաղագս, ի ձեռն, ի մեջ, ի վերայ, վասն, քան և այլն:

Նախդրավոր և նախդրությամբ կառույցով լրացում ստացող բայանուն կամ ածականական սերունդով գոյականների թիվը մեծ է: Դրանցից ավելի հաճախադեպ գործածություն ունեն հետևյալները.

1. արմատական բայանուն գոյականներ՝ ահ, բողոք, գործ, դատ, դարձ, երթ, լուծ, խրատ, կռիւ, հաւա, հրաման, մարտ, նախանձ, ողբ, պատգամ, պատերազմ, պարգև, սեր, սուգ, վաճառ, ուխտ, վախճան, ցաւ, այլն:

2. նախանցավոր բայանուն գոյականներ՝ ամբաստանութիւն, ամուսնութիւն, այցելութիւն, բարկութիւն, գոյութիւն, գծութիւն, գրգռութիւն, թագավորութիւն, թշնամութիւն, յանդիմանութիւն, յաղթութիւն, խնամութիւն, ծանօթութիւն, յաշտութիւն, վրէժխնդրութիւն, պարտութիւն, առաքումն, գրգռումն, երդումն, յարձակումն, գլուխ, կորուստ, փախուստ, անարգանք, արշաւանք, պարծանք, տրփանք, նախատինք, խորհուրդ, անէծք,

դօքք, խնդրուածք, խօսք և այլն:

3. ածականական սերունդով գոյականներ՝ ահաւորութիւն, անբարտաւանութիւն, անզգամութիւն, առաւելութիւն, ատելութիւն, արդարութիւն, բարեխօսութիւն, զգուշութիւն, խռովութիւն, յայտնութիւն, մասնակցութիւն, միամտութիւն, միբանութիւն, նենգութիւն, չարութիւն, չկամութիւն, քաջութիւն և այլն:

Լրացյալի դերում հանդես եկող այս գոյականների շարքերն ուշադիր դիտելիս կարելի է անել այսպիսի հետևություններ՝

ա) Բոլոր բառերի մեջ խիստ ընդգծված են բայականությունն ու որականական ածականի հատկությունները, որոնք ինքնին հուշում են դրանց կապակցելիական առաջնային արտահայտությունները: Նախդրավոր և նախդրությամբ կառույցով լրացման և գոյական լրացյալի միջև գոյություն ունի այն հարաբերությունը, ինչ կա մույն լրացման և գոյական լրացյալին սերունդով հարաբերակից բայի կամ ածականի միջև (հմմտ.՝ պատերազմ ընդ Արտաշիսի, պատերազմել ընդ Արտաշիսի):

բ) Կապակցելիական այդ ուղղվածությունն են ենթադրում բառակազմական հատկանիշները (միաբանութիւն, մասնակցութիւն, մերձաւորութիւն, բարեխօսութիւն և այլն), այսինքն՝ լրացման ձևը պայմանավորվում է կազմությամբ բաղադրայալ լրացյալի բաղադրիցներից մեկի իմաստային պահանջով, ինչպես՝ մասնակցութիւն ընդ արդարսն (ԳՆՄՈ, 335, ԻԴ):

գ) Գոյականակերտ ածանցներից ակտիվ են -ութիւն, -ումն, -անք, -ք, չնայած գոյականի կապակցելիական հատկություններին չեն առնչվում այս կամ այն կերպ, բայց կերտում են հիմնականում գործողության իմաստի պահպանմամբ բայանուններ ու ածականական սերունդով գոյականներ և այլն:

Նախդրավոր և նախդրությամբ կառույցով լրացման և գոյական լրացյալի բառակապակցությունները ինքնուրույն են և գործառնության նկատառումներով: Այդ կաղապարները գործածվում են և՛ նախադասության մեջ, և՛ նրանից դուրս՝ անվանական-վերագրային կազմություններում: Ընդ որում՝ վերջին դեպքում դրանք հանդես են բերում որոշակի առանձնահատկություններ: Նախ՝ հանդես են գալիս ամբողջությամբ, ինչպես՝

Երանդայ պատերազմ ընդ Արտաշիսի եւ փախուստ, եւ առաքումն քաղաքի նորին եւ մահ(ՄԽ, 170, Խ2):
Յարձակումն Ալանաց ի մեզ եւ պատումն եւ խնամութիւն Արտաշիսի ընդ Մոսա (Մ.տ, 177, Ծ), ապա՝ լրացյալը զեղչված, օրինակ՝

Յաղագս Յոհաննու եպիսկոպոսի և վարուց նորա և ագահության սորա և անմտութեան (Բուգ., 398): Վասն Սանատրկոյ թագաւորութեանն, եւ սպանման ծննդոցն Աբգարու, եւ վասն Յեղիմայ տիկնոջ (ՄԽ., 159, ԼԵ):

Իսկ առանձին դեպքերում զեղչվում է նույնիսկ նախդրության խնդիրը, որն արտահայտվում է ստորադաս նախադասությամբ, ինչպես՝

Յաղագս որ ինչ խորհեցան իշխանքն Հայոց (Բուգ., 159, ԼԳ): Յաղագս... թէ որպէս ի նախանձ մտեալ տապալեաց թագաւորն Պապ զամենայն զեղեալսն կրօնս կանոնիցն... (Մ.տ., 340, ԼԱ):

Գրաբարում շատ հաճախ լրացման դերում գոյականի լրացման դերում այդ կառույցներն առաջացնում են հետևյալի և պարագայական հարաբերություններ՝ կերտելով միայն որոշիչ պաշտոն:

Բայանուն և ածականական սերունդով գոյականներն ավելի հաճախ ստանում են հանգման, վերաբերության, փոխադարձ կապի, սահմանափակման, տեղի, պատճառի, ժամանակի և մի քանի այլ իմաստների լրացումներ՝ արտահայտված նախդրավոր և նախդրությամբ կառույցներով:

Հատկանշական է մի առանձնահատկություն ևս՝ նախդիրները և նախդրությունները գոյականի լրացում ձևավորելիս բացառապես հանդես են գալիս իրենց հիմնական, առաջնային իմաստային արտահայտություններով: Օրինակ՝

Առ (+տրական, +հայցական), ընդ (+տրական, +հայցական, +գործիական), ի (+տրական, +հայցական) նախդիրների, ի վերայ (+սեռական) նախդրության և սրանց խնդիրների կազմավորած կառույցների և գոյականի կապակցությամբ արտահայտվում է հանգման հարաբերություն: Լրացյալը բայանուն գոյական է հետևյալ օրինակներում:

Դուք էիք մեր պարծանս առ թշնամին ճշմարտութեան, արդ դուք էք մեր նախատինք առ մոյն թշնամիս (Եղ., 54):... որ պատմին... տրփանք Սաթինկան ընդ Վիշապազունսն՝ առասպելաբար, այս ինքն ընդ զարմս Աժդա-հակայ (ՄԽ, 176, ԽԹ):

Լրացյալը կարող է լինել ածականական ծագմամբ գոյական, որի խնդիրն արտահայտվում է առ + հայցական, ընդ + տրական, ի վերայ + սեռական կառույցներով: Օրինակ՝... և երանի է մեզ վասն սորա մերձաւորութեանս առ մեզ... (Եղ., 151): Այլ ծանիր զատելութիւն մեր առ այսպիսի բան զի ոչ յառաջինսն ասացեալ գիրս(ՄԽ, 90, ԼԲ):

Հաճախադեպ լրացյալի և լրացման իմաստային հարաբերությունը անխառն է, նրանում զգացվում է լրացական այլ իմաստների զուգակցումներ: Օրինակ, ընդ նախդրով + սեռական, + տրական, + հայցական կառույցները մի շարք բայանուն գոյականների (մարտ, պատերազմ և այլն) լրացման դերում հանգման իմաստի հետ արտահայտում են նաև այլ նրբիմաստներ, հիմնականում փոխադարձ կապի:

Ինչ արտահայտում են նաև այլ նրբիմաստներ սմա արիաբար մարտիք ընդ Պարսս (ՄԽ, 309, ԽԱ):

Որք եկեալ կալան զաշխարհս մեր և տիրեցին սմա արիաբար մարտիք ընդ Պարսս (ՄԽ, 309, ԽԱ): Որոշ կազմություններում հանգման իմաստը խառն է լինում մատուցման իմաստի հետ, ինչպես՝

... այլ յառաջ եւս մատո գկարդացումն, և լսես անդ զյարութիւնն, զյայտնութիւնն առ բազումս... (Եղ., 11) Հանդիպում են կապակցություններ, որոնցում բայանուն գոյականը հանդես է բերում բազմարժեքայնություն, այսինքն՝ ստանում է նախդրավոր և նախդրությամբ կառույցով տարբեր իմաստների երկու լրացումներ:

Այսպես՝

¹ Տե՛ս, Վ. Բոսյան, Գրաբարի բառակապակցությունները, Երևան, ՀՍՍՀ ԳԱ հրատ., 1975, էջ 34

² Տե՛ս, Մ.տ. էջ 34

«Գիր ամբաստանութեան Մօրկայ *առ խօսորով վասն իշխանացն* և զօրացն Հայաստանի» (Մեք., 2) նախադասության ընդգծված կապակցության մեջ *առ խօսորով* կառույցն ունի ուղղության- հաղորդման իմաստ, *վասն իշխանացն և զօրացն* կառույցը վերաբերության: Այդպես է նաև հետևյալ օրինակներում՝

...զի՞նչ մեր *բանս առ Աստուծոյ յաղագս ի ձեռք* վտանգիցս, որոց վտանգք և աղբատութիւն սեպիակա է (Մկ, 248, ԴԲ): Կալ *յաղօթս առ տէր վասն մանկան* (ՀՆԿ, Ա., Թագ., Ա 27):

Հանդիպում են նաև այլ իմաստների լրացումներով կապակցություններ, ինչպես՝
... Դարձյալ յարձակումն խոսորովու *ի վերայ Արտաշէի աղանց* Հռոմայեցւոց *օգնականութեան* (Մկ, 93 ԳԳ): ...յարձակեին *ընդդէմ նորա* նախատանօք *առ ի մահ* ըստ սաղորելոյ Հագարացւոյն (ՅԳՊՀ, 234, ԾՀ):

Այսպիսի կապակցություններում լրացումները սովորաբար լինում են խնդրային բնույթի (ինչպես է բերված օրինակներում), բայց հանդիպում են բառակապակցություններ, որոնցում լրացումներից մեկը լրացյալի կապվում է պարագայական նշանակությամբ:

Տալ *պատերազմ ընդ Իսրայելի յանապատին*, (ՀՆԿ, Թիւք, 23):
Նկատելի է, որ բայանուն կամ ածականական ծագմամբ գոյականին կարող են լրացնել մեկից ավել նախդրավոր կամ նախդրությամբ կառույցներ՝ համադասությամբ: Այսպիսի դեպքերում նախդիրը, նախդրությունը կամ կրկնվում են, օրինակ՝

Ապա թէ ոչ տեսանես դու գիս, խնդրես *պատերազմ ի մէջ իմեւ ի, մէջ քո* (Բուգ., 249, ԾԲ): ... *ի մէջ կայսերն ի մէջ* իւրեանց *զուխտն* հաւանութեան և խաղաղութեան նորոգեսցեն (Ա.տ., 123, Ե): Եվ դարձեալ ասէ՝ թէ ոչ մեզ *մարտ ընդ մարմնոյ* և ընդ սրեան (ԵԶՆ., 126, ԻԲ):

Կամ դրվում է միայն մեկը, որը վերաբերում է սակայն երկու խնդիրներին՝
Ուխտեաց Դովիդայէ ուխտ *ի մէջ իւր և արքային* (ՀՆԿ, Կ., Թագ., ՇԱ, 17): Եւ անդէն թագաւորն հրամայէ գրել հրովարտակ. և ոչ եւս ըստ սովորութեանն, *այլ բանս* զայրագինս իբր *առ տտելիս և անպիտանս*... (Եղ., 40)

Սրանց հետ չպետք է շփոթել բայանուն գոյականի բազմաթույթ արտահայտության դեպքերը, երբ մեկի ավելի լրացումները ծավալում են նրա տարբեր իմաստները: Պատահում է, որ նախդրով կամ նախդրությամբ կառույցն իր լրացյալից ընդմիջվում է նախադասության այլ անդամներով, սովորաբար լրացյալի՝ ենթակայական սեռականով լրացմամբ (ինմտ. *Գժտութիւն ընդ Հերովդի Արշամայ*, և ակամայ հնազանդութիւն (Մկ, 141, ԻԵ): *Պատերազմ Շապիոյ ընդ Կոստանդեայ*... (Ա.տ., 270, ԺԲ): Առանձին կապակցություններում նախդրավոր կամ նախդրությամբ կառույցը դրվում է զեղչված, բայց գիտակցվող դերբայի պահանջով: Լրացման և լրացյալի միջև դերբայի գիտակցմամբ դրվող լրացումը կարող է ունենալ իմաստային տարբեր արտահայտություններ: Դա երբեմն պայմանավորվում է լրացյալի բառային իմաստով: Այսպես՝ *ճանապարհ* բառն ընդհանրական մեջ կա նաև ուղղության իմաստ, և նախդրավոր կառույցը դրա հիմքով էլ կապակցվում է ա

գոյականի հետ: *ճանապարհ ի Բագրաւանդ* ընդ որ երթայ (Բուգ., 140, ԻԴ):

Իրանիչ գոյական լրացյալը, որ իր նշանակության մեջ չունի տեղի լրացուցիչ նրբիմաստ, ստանում նախդրավոր կառույցով լրացում ներկայության (որևէ տեղում գտնվելու) իմաստով: Օրինակ՝

...զի էին իբրև զաստեղս երկնից, եւ *զաւագ առ ասին* ծովու (Բուգ., 30, Լ): ... և պէտք եղեալ ըմպելոյ ջուր մատուցեալ փորեաց *զաւագան ի կղզւոջ*, և բխեաց աղբիւր (Ա.տ., 79, ՀԱ): Աշակերտ եղեալ էր սա մեծին Գրգորի, այլ հոգաբարձու ամենայն *եկեղեցացն* Հայոց մեծաց *ընդ ամենայն տեղիս* (Ա.տ., 56, ԺԴ):

Այլ կապակցություններում, որտեղ լրացյալ գոյականներից են *թուղթ, հրաման, հրովարտակ* և այլն, ա

տահայտվում է հիմնականում մատուցման հարաբերություն: Օրինակ՝
Ապա գտանէր *հրովարտակ* թագաւորն Յունաց Վաղէս *առ արքայն* Պարսից (Բուգ., 88, ԻԱ): *բան առ Հագարացիսն* ըստ իւրեանց աղխատոյց բառին պատմի (ՅԳՊՀ., 95): Բազի ցուցանեին զթուղթսն՝ զոր տուես էր Վասակայ ... *թուղթ* մի *ի վրաց աշխարհէն*, և *թուղթ* մի *յԱղուանից աշխարհէն*... (Եղ., 134):

Գրաբարում նման կապակցություններն ավելի շատ կշռությանին են անվանական-վերնագրային կազմություններում, ինչպես նաև՝ չափածո խոսքում, որ դրան նպաստում են բանաստեղծական խոսքի դիրքն ու հազվադրույթը: Այսպես՝ *Թուղթ* Աբգարու *առ Փրկիչն* (Մկ, 2, ԼԱ): *Թուղթ* Վաղարշակայ արքայի Հայոց առ Մեծ *Արշակ արքայ* Պարսից Մկ, 29, Բ: Դարձեալ վերստին աշխարհի կրկին եղկելոյս, Բանգի գայ հասանէ առ հասակիս անհնարին բարկութեամբ *Մանգաղն առ Հունծս, դատաւորն առ ատեանն* (ԳՆՄՈ, 404, ԼԸ):

Կան դեպքեր, երբ լրացումը կարող է վերագրվել և գիտակցվող դերբային, և բայանուն լրացյալին: Օրինակ՝

Լուայ *առ աղակի նոցա ի գործա որացն* (ՀՆԿ, Ելք, Գ, 8):

Որոշ նախադասություններում նախդրավոր և նախդրությամբ կառույցը հավասարապես կարող է դիտվել և ստորոգյալի, և բայանուն գոյականով դրված խնդրի լրացում:

Եւ եթէ գտեալ էր նորա, հանէր *եւ տայր ընդ իւր և ընդ ընտանեացն տուգանս*... (Եղ., 141): *խօսել բանս* հախոյութեան *ի Մովսէս և յաստուած* (ՀՆԿ, Գործ., 11):

Էությանմբ միանգամայն տարբեր են այն կապակցությունները, որոնք հիշեցնում են նախադասություն և ռանց ստորոգման ձևային արտահայտության կամ դերբայական դարձված առանց դերբայի:

Ունենալով և զուտամբ արկեալ, *արմուկն ի ծունգ և ձեռն ի ծնօտի*՝ նստաւ այնպէս... (Բուգ., 135, Ե): Լէգէոն սպարապիր հետեւեալն *վահան ի ձեռն*, սակուր գգօգոյ, ուրջ ի ներքոյ զորմովք խորանին պատեալ պսակ է (Ա.տ., 196, ԼԳ):

Հազվադեպ նախդրավոր կամ նախդրությամբ կառույցն ընկած է լինում երկու բայանուն գոյականների միջև և հավասարապես կարող է վերաբերել նրանցից ցանկացածին: Լրացյալը որոշակիորեն առանձնանում է

է նախադասության մեջ: Օրինակ՝ «Ու՞ր է քաղցր աչացն հանդարտութիւն, ... ու՞ր զուարթ շրթանցն *ժայտումն առ բարի աշակերտացն հանդիպումն*» (Մկ, 361, ԿԸ):

Գրաբարում հաճախ են հանդիպում կապակցություններ, որոնցում նախդրի կամ նախդրության խնդիրը լինում է բայանուն գոյական, որը որպէս լրացյալ, ունենում է իր լրացումը՝ արտահայտված նախդրավոր կամ նախդրությամբ կառույցով:

Յաղագս *պատերազմին* Արշակայ *ընդ նախարարսն* իւր... (Մկ, 391, ԻԹ): Յաղագս *թագաւորելոյ* Տիրանայ յետ հօր իւրոյ՝ *ի վերայ Հայոց աշխարհին* (Ա.տ, 48, ԺԲ):

Հազվադեպ նախդրավոր ու նախդրությամբ մեկ կառույցը կարող է լրացում դառնալ մեկից ավելի լրացյալների, որոնք ունենում են նույն կամ մոտավոր իմաստ, ինչպես՝

Ի յատելութեան և ի չկամութեան... *առ թագաւորն պարսից*... արքայն Հայոց Տիրան, մինչև անգամ վասն կաշոյ միոջ հնուց արարեալ՝ թագոյց (Բուգ., 43, Դ): Ձի *խեղութիւնք և արարք* են ի նոսա (ՀՆԿ, Դ, Թագ., 14):

Երբեմն լրացյալներից մեկը կարող է լինել ավելադրություն, Օրինակ՝

.....ընդ այլ մծբնացիսն ի փոխել նորա անտի անդր՝ *ի մարտս պատերազմացն* Յունաց թագաւորացն *ընդ թագաւորին* Պարսից (Բուգ., 40, Ժ):ընդ ծայնս անտեացս *բողոք գուժիս* (ԳՆՄՈ, 404, ԼԸ):

Հանդիպում են կապակցություններ, որոնցում *առանց* նախդրությունը գործածվում է *ան-* ժխտական նախածանցի նշանակությամբ, ինչպես՝

Գիտութիւն անմտի *բանք առանց բնութեան* (ՀՆԿ, ՀԱ, 21): *Հասք առանց փանամի* մի զանգզին..., *ձեռք առանց կովմիզոյ* մի լուսացին... (Եղ., 51): Ճարակ լինել նոցա անշէջ հրոյն ... յանսպառ յանսահման *առանց թուոյ և առանց չափոյ* ժամանակն (Բուգ., 219, ԻԴ):

Տարածված են նաև այնպիսի կապակցություններ, որոնցում նախդրավոր և նախդրությամբ կառույցները լրացյալին կապվում են ոչ թե անմիջական ձևով, այլ հարաբերական դերանվամբ, ինչպես՝

Արդ՝ զայսպիսի շահ օգնութեան, որ ի բարեկամութենէ լինի, տեսնելով՝ խորհեցայ ևս հաստատուն և խորագոյն *զսէրն որ ի միջի մերում է*, հաստատել (Մկ, 79, ԻԸ):

Որոշակի առանձնահատկություններ են նկատվում նաև կապակցության անդամների շարադասության հարցում: Նախդրավոր և նախդրությամբ կառույցով լրացումը սովորաբար հետադաս է լինում բայանվանը: Սա հատկապես վերաբերում է այն դեպքերին, երբ լրացյալ գոյականը թեք հոլովով է, օրինակ՝

Ուներ ևս ընդ ինքեան թուղթս լի ամբաստանութեամբ զնախարարացն (ԹԱՊՏԱ 2, 2): Այս շարադասությունն է պահպանվում, երբ լրացյալն ունենում է մեկից ավելի նախադաս և հետադաս լրացումներ, ընդ որում՝ նախդրավոր ու նախդրությամբ կառույցը դրվում է վերջիններից հետո: Այսպես՝

Կարծեմ ոչ ինչ զանխուլ է՝ տէր իմ, ի քոյոյ յաստուածասիրութեանդ յոյժ տրտմութիւն անպակաս *ցաւք* սրտից մերոց *յաղագս Հայոց և Վրաց և Աղուանից* միահամուռ քոյդ հաւատացեալ հօտից (ՅԳՊՀ, 266):

Կառույցի անդամների շարադասության գործում դեր է խաղում նաև նախդրի կամ նախադրության խնդրի բազմաբառ արտահայտությունը: Այսպես՝ Թողում ասել զօրինադրին ձերոց ղաղտելի *հրամանն յաղագս մերձենալոյ* արանց ի կանայս (Ղև., ԺԴ):

Սակայն հանդիպում են նաև լրացման նախադաս շարադասության օրինակներ, հատկապես չափածո խոսքում, ինչպես՝

Առ քեզ ընտանութեան, ընդ հողոյդ սրբոյ միութեան, Բաւութեան, ազատութեան, լուսաւորութեան, Մշտն-ջենաւոր, մաքրութեան, իսկապէս երանութեան, Ընդ վերնայնոցն կցորդութեանն (ԳՆՄՈ, 322 ԾԲ):թե *ընդ հրեշտա՝ կսն պարակցութեան*, յորմէ տրոհեցայ, թէ *ընդ արդա՝ իսն մասնակցութեան*, յորոց ճեղքեցաց (Ա.տ, 88, ԻԴ):

Բերված փաստարկները բավականին հիմք են տալիս պնդելու, որ նախդրավոր ու նախդրությամբ կառույցով լրացման և գոյական լրացյալի կապակցությունները գրաբարի քերականական կառուցվածքի մեջ տա

հաճված են, ունեն կազմության և իմաստային արտահայտության հարուստ համակարգ և առանձին ճկունություն են տալիս խոսքին:

Համառոտագրություններ

- Բուգ.- Փաւստոսի Բուզանդացւոյ Պատմութիւն Հայոց, Թ., 1912
ԳՆՄՈ-Գ. Նարեկացի, Մատեան ողբերգութեան, Ե., 1867:
Եղ.-Եղիշէ, Վասն Վարդանայ և հայոց պատերազմին, 1895:
ՀՆԿ-Համաբարբառ հին և նոր կտակարանաց, 1895:
ՂԵ-Պատմութիւն Ղեկունորայ մեծի վարդապետի հայոց, 1857:
Մկ- Մովսէսի խորեմացւոյ պատմութիւն հայոց, 1912:
ՅԳՊՀ- Յովհաննու կաթողիկոսի Դրասխանակերտոյ պատմութիւն հայոց, 1913:
Սեք.- Սոքեոսի եպիսկոպոսի պատմութիւն, 1913: